

**EBAZPENA, 2020KO MARTXOAREN 4KOA, INGURUMEN ADMINISTRAZIOAREN ZUZENDARIARENA, ZEINAREN BIDEZ FORMULATZEN BAITA ERMUA UDALERRIKO «URETA II» INDUSTRIA-SEKTOREAREN PLAN PARTZIALAREN INGURUMEN-EBALUAZIO ESTRATEGIKOAREN IRISMEN-DOKUMENTUA.****AURREKARIAK**

2019ko abenduaren 3an, Ermuko «Ureta II» industria-sektorearen plan partzialaren (aurrerantzean, planaren) ingurumen-ebaluazio estrategiko arruntari hasiera emateko eskaera egin zuen Ermuko Udalak, Euskal Herriko Ingurugiroa Babesteko otsailaren 27ko 3/1998 Legean eta Ingurumen Ebaluazioari buruzko abenduaren 9ko 21/2013 Legean xedatutakoari jarraikiz.

Planaren zirriborroa, legeria sektorialean eskatutako dokumentazioa eta hasierako dokumentu estrategikoa jasotzen ditu eskaerak.

2020ko urtarrilaren 8tik 15era bitartean, eragindako administrazio publikoen eta pertsona interesdunen kontsulten tramitea egin zen, abenduaren 9ko 21/2013 Legeak 19. artikuluan eta planen eta programen ingurumen-ebaluazio estrategikoaren prozedura arautzen duen urriaren 16ko 211/2012 Dekretuak 9. artikuluan ezarritako moduan.

Jasotako txostenak aztertuta, egiaztatu da ingurumen-organoak bazituela behar beste judizio-elementu ingurumen-azterketa estrategikoaren irismen-dokumentua egiteko, bat etorrita abenduaren 9ko 21/2013 Legearen 19. artikuluekin eta urriaren 16ko 211/2012 Dekretuaren 10. artikuluekin.

ZUZENBIDEKO OINARRIAK

Ingurumen-ebaluazioari buruzko abenduaren 9ko 21/2013 Legeak 1. artikuluan xedatutakoaren arabera, lege horren helburua da ingurumenean ondorio adierazgarriak izan ditzaketen planen ingurumen-ebaluazioa arautu behar duten oinarriak ezartzea eta ingurumenaren babes-maila handia bermatzea, garapen jasangarri bat sustatzeko helburuarekin.

Halaber, Euskal Herriko Ingurugiroa Babesteko 1998ko otsailaren 27ko 3/1998 Lege Orokorraren 42. artikulua arabera, ingurumen-inpaktuaren ebaluazioek behar bezala bermatuko dute, besteak beste, helburu hau betetzen dela: plangintza-prozesuaren lehen faseetan egingo dela ingurumenaren gaineko efektuei buruzko analisia, hautabide egokienak hautatu ahal izateko; betiere, kontuan izanik jardueren ondoriozko eragin metatzaile eta sinergikoak.

Abenduaren 9ko 21/2013 Legearen 6.1. artikuluan ezarritakoaren arabera, ingurumen-ebaluazio estrategiko arrunta egingo zaie planei eta programei, baita haien aldaketei ere, baldin eta administrazio publiko batek hartzen edo onartzen baditu eta legezko edo arauzko xedapen batek aginduta egiten eta onartzen badira, ingurumen-inpaktua ebaluatu behar zaien proiektuak

etorkizunean baimentzeko esparrua zehazten dutenean eta hiri- nahiz landa-lurrak antolatzeko direnean.

Otsailaren 27ko 3/1998 Legearen 46.1 artikuluan xedatutakoaren arabera, ebaluazio bateratua egin behar da (ingurumen-ebaluazio estrategikoa) arauaren I. eranskineko A) letran jasotako planei dagokienez, eta plan horien artean sartzen da Ermuko «Ureta II» industria-sektorearen plan partziala, legez ingurumen-ebaluazio estrategikoa egin behar zaion proiektu bat delako; alegia, industrialde bat urbanizatzea.

Abenduaren 9ko 21/2013 Legeak xedatzen duenez, plan baten ingurumen-ebaluazio arrunta hasteko, beharrezkoa da ingurumen-organoak ingurumen-azterketa estrategikoaren irismena zehaztea, ukitutako administrazio publikoei eta interesdunei kontsulta egin ostean. Arau horrek eskabideari erantsi beharreko dokumentuak xedatzen ditu 18.1 artikuluan, eta, abenduaren 9ko 21/2013 Legeari aurka egiten ez zaionean, urriaren 16ko 211/2012 Dekretuaren 8. artikulua zabaldu eta osatu egiten du hasierako dokumentu horri erantsi beharrekoaren edukia.

Amaitzeko, ingurumen-azterketa estrategikoaren irismena zehazte aldera, aintzat hartu dira 2013ko abenduaren 9ko 21/2013 Legeak IV. eranskinean jasotako eskakizunak, ingurumen-azterketa estrategikoaren edukiari buruzkoak, eta 2012ko urriaren 16ko 211/2012 Dekretuak I. eta II. eranskinetan jasotakoak, erreferentziako dokumentuaren edukiari buruzkoak eta ingurumen-jasangarritasunari buruzko txostenaren edukiari buruzkoak, hurrenez hurren.

Orain arte ezarritakoari jarraikiz, espedienteko txostenak aztertu dira eta honako hauek guztiak ikusi: otsailaren 27ko 3/1998 Lege Orokorra (Euskal Herriko Ingurugiroa Babestekoa), abenduaren 9ko 21/2013 Legea (ingurumen-ebaluazioari buruzkoa), urriaren 16ko 211/2012 Dekretua (planen eta programen ingurumen-ebaluazio estrategikoaren prozedura arautzen duena), apirilaren 11ko 77/2017 Dekretua (Ingurumen, Lurralde Plangintza eta Etxebizitza Sailaren egitura organiko eta funtzionala ezartzen duena), urriaren 1eko 39/2015 Legea (Administrazio Publikoen Administrazio Prozedura Erkidearena), urriaren 1eko 40/2015 Legea (Sektore Publikoaren Araubide Juridikoari buruzkoa) eta aplikatzekoa den gainerako araudia. Horiek horrela, honako hau

EBAZTEN DUT:

Lehenengoa.- Ermuko «Ureta II» industria-sektorearen plan partzialaren (aurrerantzean, Plana) berrikuspenaren ingurumen-ebaluazio estrategikoaren irismenari buruzko dokumentua formulatzea, baldintza hauen arabera:

1. PLANAREN XEDEA ETA EBALUAZIO-PROZESUAREN IRISMENA

Ermuko «Ureta II» industria-sektorearen plan partzialaren xedea Ureta industria-lurzoru urbanizagarri sektorizatuaren antolamendu xehatua ezartzea da; 148.750 m²-ko azalera du, eta erabilera mistoa; tertziarioa eta industrial (erabilera tertziarioa ezin daiteke izan eraikigarritasun

osoaren % 50etik gorakoa). Horretarako, egin beharreko eraikin berriaren oinarritzko ezaugarriak, baldintza estetikoak eta ingurumenekoak hobekuntza, eta bide-sarearen eta zerbitzuen antolamendua zehaztuko dituzte.

Antolamendu-proposamenaren oinarrian bide-eraztun bat dago, N-634 errepidetik Ureta industrialdera jotzeko sarbidearekin lotuta egongo dena. Bide-eraztun horretan egongo da bost lurzati eraikigarrietarako sarbidea.

Gainera, oinezkoentzako bidea egongo da, arranpa irisgarrikoa, espazio libreetan barrena, eta sarbidearen eta hegoalderen dauden lurzatiak (B.P.2, B.P.3, B.P.4 eta B.P.5) arteko malda handia gaindituko duena.

Eraikinak bost lurzatatitan banatuko dira; espazio librean azalera 85.537,72 m²-koa izango da.

2. INGURUMEN-HELBURU ESTRATEGIKOAK, PRINTZPIOAK ETA JASANGARRITASUN-IRIZPIDE APLIKAGARRIAK

Plana prestatzeko, funtsezko oinarritzat hartuko dira batez ere IV. Ingurumen Esparru Programa 2020 delakoaren helburu estrategikoak eta jarduera-ildoak. Horrez gain, arau hauetan bildutako irizpideak jaso beharko dira: Euskal Herriko Ingurugiroa Babesteko otsailaren 27ko 3/1998 Lege Orokorra, urriaren 16ko 211/2012 Dekretua eta Euskal Autonomia Erkidegoko Natura Kontserbazteko Legearen testuategina onartzen duen apirilaren 15eko 1/2014 Legegintzako Dekretua.

Zehazki, garapen jasangarriko printzipio hauek zuzenduko dute Plana:

1. Kapital naturala, Biodibertsitatea
 - Ekosistemen eta haien zerbitzuen galera murriztea.
 - Lurzoru-kontsumoa optimizatzea.

2. Energia. Klima-aldaketa.
 - Energia-aurrezpena eta -efizientzia sustatzea arlo guztietan (eraikinak, mugikortasuna, industria, zerbitzuak) eta energia-iturri berriztagarriak bultzatzea.
 - Eraikuntzan eta eraikingintzan baliabideak beren bizi-ziklo osoan zehar modu efizienteago batean erabiliko direla sustatzea, bereziki obrak amaitutakoan hondakinak aprobetxatzeari dagokionez.

3. Osasuna, ingurumena
 - Osasunaren Mundu Erakundeak emandako gomendioekin bat datorren aire-kalitatea (kanpokoak eta barrukoak) bermatzea.
 - Ingurumen-erronkei eta gero eta handiagoak diren ingurumenarekin lotutako kezkei aurre egitea (klima-aldaketa, kutsadura akustikoa, argi-kutsadura...).
 - Muturreko klima-fenomenoen efektuak geldiaraztea (bero-boladak...).

4. Lurralde lehiakorra. Baliabideen efizientzia

- Motorizatu gabeko mugikortasuna mesedetzea, oinez eta bizikletaz egindako joan-etorriak bultzatuta.
- Garraio publiko eta partekatua indartzea, eta IKTak baliatzen dituen garraio multimodal adimentsua sustatzea, pertsonen eta salgaien mugikortasuna optimizatzeko. Halaber, energia garbien bidez bultzatutako garraioen alde egitea.

3. ESPARRU GEOGRAFIKOA ETA INGURUMEN-ARLO GARRANTZITSUAK

Natura-ingurunea babestu, zaindu eta hobetzeko, ekosistemen eta beren zerbitzuen galera eta erresilientziaren murrizketa mugatuz, etorkizuneko jarduketak hartuko dituen lurzorua antolamenduak kontuan hartu behar ditu planaren eremuan dagoen kapital naturala eta ingurumen-arriskuak dituzten guneak erabakiak hartzeko prozedura osoan zehar. Hau da, ingurumen-eremu garrantzizkotzat hartuko ditu, eta desegokiak izango dira jarduketak hartzeko, baldin eta jarduketok ingurune fisikoa zuzenean eraldatzen badute, eta elementu nabarmen horientzako arriskutsuak izan badaitezke edo horietan antzeman diren arriskuak larriagotu baditzakete.

Hala, planaren eremuan Ermuko HAPOa onartzeko 2015eko prozeduran alde aurretik egin zen ingurumen-ebaluzioa eta industria-lurzoru urbanizagarri sektorizatuaren antolamendu xehatu honek naturagune esanguratsuetan izango dituen ondorioak murrizteko gaitasuna mugatua gorabehera, aztertu egin behar da naturagune esanguratsurik badagoen. Hauek lirajteke:

- Balio natural bikainak izateagatik: ingurumen-babeseko araubideren bat duten gune guztiak, babesaren jatorria izan daitezkeela nazioarteko hitzarmenak edo arau orokorrak, ondare naturalari eta biodibertsitateari buruzko oinarrizko legeria aplikatuta emandakoak, edo natura kontserbatzeko oinarrizko legeria, edo azaleko edo lur azpiko urak babesteko arau espezifikoak, edo zuzenean uraren mende dauden habitatak eta espezieak babesteari buruzkoak, baita naturaguneak ere, lurralde- eta hirigintza-plangintzatik datorren babes-araubideren bat dutenak.
- Balio kultural garrantzitsuengatik: Babes Bereziko edo Ertaineko ondasunak, Euskal Kultura Ondarearen 6/2019 Legearen arabera (EHAA, 93. zk, 2019.05.20), zeinak indargabetzen baitu uztailaren 3ko 7/1990 Legea, salbu III. tituluaren VI. kapitulua, ondareari buruzkoa, eta V. tituluaren I. kapitulua, artxibo-zerbitzuari buruzkoa. Gainera, beste ondasun batzuk ere kontuan izan behar dira, babes bereziko edo ertaineko kultura-ondasun deklaratzeko proposatuak eta Euskal Kultura Ondarearen EAEko Zentroan kontsultatu beharrekoak.
- Bertan detektatzen diren egungo edo etorkizuneko ingurumen-arriskuengatik.

4. JARDUKETAK KOKATZEKO EREMU DESEGOKIAK.

A *priori*, ingurumen fisikoan efektuak dituzten jarduketak –esaterako, egiturazkoak– kokatzeko eremu desegokitza joko dira: aurreko apartatuan jasotako ingurumen-arlo garrantzitsu guztiak, bai eta beste hainbat eremu ere, non erabilera edo neurri jakin batzuk –Plana Berrikustean

aurreikusitakoekin pareka daitezkeenak– mugatu edo debekatzen baitituzte dagokien lurralde-plangintzak eta eremu funtzionalen LPk, itsasertza, hezeguneak, nekazaritza eta basoa babestu eta antolatze LPSk eta ibaiertzak eta erreka babestu eta antolatzeok–, Natura 2000ko eremuei lotutako beste arau-xedapen batzuk –esaterako, hegaztientzako kontserbazio-eremu bereziak eta babes bereziko eremuak (HKEB), ur-ingurumenari lotuak– edo beste eremu batzuei lotuak: natura-baliabideen antolamendu-planak eta parke naturalen (eta biosfera-erreserbaren) erabilera eta kudeaketa zuzentzeko planak; eremu babestuetako plan bereziak, espezie mehatxatuak kudeatzeko planak.

Ondorioz, lehenetsuna eman beharko zaie beste eremu garrantzia gutxiagoko batzuk, hala nola lurzoru antropizatuei eta lurzoru poluituei, zeinak garrantzia gutxi baitute ikuspegi naturalistikotik, kulturaletik edo ingurumen-arriskutik baina bideragarriak baitira teknikoki eta ingurumen-aldetik, ingurumen fisikoaren gaineko efektuak dituzten jarduketak egiteko, plangintza hidrogikoa, uholde-arriskuaren kudeaketari eta alerta- eta balizko lehorre-egoerei lotuak.

5. ALDEZ AURRETIK EGINDAKO KONTSULTETAKO ERANTZUNEN INGURUMEN-AZTERKETA LABURRA.

Administrazio publiko ukituei eta herritar interesdunei egindako kontsulten fasean, hainbat txosten eta ekarpen jaso ditugu. Jarraian, horien edukiaren laburpena aurkeztuko dugu, ingurumen-azterlan estrategikoaren edukia antolatzen duten apartatuen arabera antolatuta, irismenari, xehetasun-mailari eta espezifikotasun-mailari dagokienez.

- Ingurumenaren egungo egoeraren eta izan lezakeen bilakaeraren alderdi garrantzitsuenak deskribatzea.
 - Egiaztatu da badaudela babes bereziko edo ertaineko ondasunak, Euskal Kultura Ondarearen 6/2019 Legearen arabera (EHAA, 93. zk., 2019.05.20), informazioari lotutako eremuan. Lege horrek uztailaren 3ko 7/1990 Legea indargabetzen du, Euskal Kultura Ondarearena, kapitulu hauek izan ezik: II. tituluaren VI. kapitulua, ondasun dokumentalarena, eta V. tituluaren I. kapitulua, artxibo-zerbitzuena.
 - Beharrezkotzat jotzen da natura-baliabideen eskuragarritasunari buruzko informazioa osatzea, batik bat, baliabide hidrikoen nahikotasunari buruzkoa.

7.- Prebentzio-, zuzenketa- eta konpentsazio- neurriak deskribatzea.

- Espezie autoktonoen erabilera lehenestea espazio libreen tratamenduan, ingurune naturalizatuak sortuta, batik bat, industria-sektorearen inguruan. Hala, ingurumen- eta paisaia-lehenertzeko proiektu bat txertatu beharko da, modu xehatuan adieraziko direna landaketetan erabilitako espezieak (zonaren arabera), erabili beharreko landareen ezaugarriak, landaketa-esparrua eta -metodoa, aurreikusitako mantentze-lanak, aurrekontua, etab. Proiektu hori, halaber, EAEko lurralde-antolamenduaren barnean paisaia babestu, kudeatu eta antolatzeari buruzko ekainaren 3ko 90/2014 Dekretuan aipatzen paisaia-integrazioko azterlanarekin koordinatuta egin liteke.
- Landaredia aloktono inbaditzailea kentzeko eta kontrolatzeko protokoloa

idaztea, erabat kentzeko lanak eta zaintza-neurriak nahiz hedapena kontrolatzeko neurriak zehaztuta.

7.1- Planaren esparruan garatuko diren planen, programen eta proiektuen ingurumen- inpaktuaren ebaluaziorako gidalerro orokorrak.

- Exekuzio-faseko lur-mugimenduek lurrazaleko urei erasango diete, solido esekiak uretaratuta. Horiek minimizatzeko, behar diren neurri zuzentzaileak hartuko dira, esaterako, luzetarako jaulkitze-hesiak eta iragazkiak edo dekantazio-putzuak ipinita. Horiekin, solido eseki askoz gutxiago botako dira uretara. Neurri horiek aplikatuta, lurrazaleko ingurune hidrikoak eragin negatibo ez esanguratsua nozituko du.
- Drainatze-jasangarriko sistema jartzea eremu eraiki gabeetan eta aparkalekuetan, Plan Hidrologikoaren araudiaren 44. artikuluari jarraikiz.

6. INGURUMEN-AZTERKETA ESTRATEGIKOAN KONTUAN HARTU BEHARREKO FUNTSEZKO ALDERDIAK ETA HAIEN IRISMENA.

Abenduaren 9ko 21/2013 Legearen IV. eranskinean ezartzen da zein den ingurumen-azterketa estrategikoaren gutxieneko edukia, zeina urriaren 16ko 211/2012 Dekretuaren II. eranskinean jasotakoarekin osatu beharko baita. Aurrekoaren arabera, eskatutako edukiek eduki eta egitura hau izan beharko dute:

6.1. Proposatutako planaren deskribapena.

Deskribatuko da zer alderdik konfiguratzen duten Plana, eta argi eta garbi identifikatuko da plana gauzatzeak etorkizunean eragin ditzakeen ekintzetatik zeinek izan ditzaketan efektu kaltegarriak ingurumenean. Hori guztia honako apartatu hauetan adierazitako egitura eta xehetasunekin:

6.1.1. Plangintzaren esparrua eta helburuak:

- a) Zehaztuko da zer arau-esparruk arautzen duen Plana onartzeko prozedura, eta behin betiko onespeneraren organo substantiboa, organo sustatzailea eta sustatzailea identifikatuko dira.
- b) Identifikatuko da ea zer plan edo programa dauden hierarkikoki Planaren gaintik, zeinaren helburu eta zehaztapenak haren bidez garatzen baitira. Azaletik deskribatuko dira Planaren xedearekin edo eremuarekin zerikusia duten plan edo programa horien zehaztapenak eta aurreikuspenak. Plana baino hierarkian gorago dauden plan edo programen onarpen-egintza eta data adieraziko dira, eta zehaztuko da ea plan edo programa horiei ingurumen-ebaluazio estrategikoa egin zaien ala ez.

- c) Planaren helburu zehatzak deskribatuko dira.
- d) Hierarkian Planaren gaitetik dauden planek edo programek ingurumena babesteko izan ditzaketen irizpideak, helburuak eta zehaztapenak zehaztuko dira, planari aplikatzekoak badira.

Ingurumen-ebaluazio estrategikoak, halaber, baloratu beharko du proposatutako jarduerak nola integratzen dituzten ingurumen-helburu estrategikoak eta jasangarritasun-irizpideak, ebazpen honen 3. apartatuan jasotzen direnak (**Ingurumen-helburu estrategikoak, printzipioak eta jasangarritasun-irizpide aplikagarriak**). Era berean, egoki irizten dituen beste batzuk ere baloratu beharko ditu, eta identifikatu zer neurri/irizpide zehaz hartzen diren helburuok betetzeko.

- e) Plan edo programa hierarkikoki goragoko horiei ingurumen-ebaluazioko prozeduraren bat ezartzen bazaie, aipatu beharko da zein diren prozedura horiek amaitzeko eman ziren ingurumen-adierazpen estrategikoen datak eta jaulkipen-egintzak, eta adieraziko da zer aldizkari ofizialetan argitaratu diren eta zer estekatan kontsulta daitezkeen. Kasu horretan, zehaztu beharko da zein diren planaren helburuan edo eremuan eragiten duten ingurumen-ebaluazioaren adierazpen horien zehaztapenak, bai eta ingurumen-ebaluazioko irizpideak ere, ingurumen-adierazpen estrategikoetan edo bere garaian indarrean zegoen araudia aplikatuz igorritako dokumentu baliokideetan ezarritakoak.
- f) Adieraziko da ingurumena babesteko zer irizpide, helburu eta zehaztapen finkatzen diren arauetan eta estrategietan, baita Planarekin hierarkia-harremanik ez duten beste plan eta programa batzuetan (Batasunekoak, estatukoak, autonomia-erkidegokoak edo tokikoak) ere, Plana diseinatzeko aplikagarriak direnean.

6.1.2. Planaren irismena, edukia eta garapena.

- a) Adieraziko da zer plangintza mota garatzen den Planean: lurralde-edo hirigintza-antolamendukoa, egiturazkoa edo xehatua, edo bestelakoa. Plan sektoriala bada, zein sektorekoa den zehaztu beharko da.
- b) Deskribatuko da zer aurreikuspen dituen planak lurzorua eta baliabideak erabiltzeko araubideari dagokionez, eta zer ekintza edo proiektu aurreikusten den Plan garatzeko. Planaren tipologiaren menpe egongo dira aurreikuspen horien izaera eta zehaztapenak.

Planak zehaztapenak jasotzen dituenean zenbait erabilera, jarduera eta proiektuetara (jarduera ekonomikoak, hirigintza-garapenak, azpiegitura handiak, ekipamenduak, proiektu sektorialak eta abar) zuzendutako eremuak definitzeko, dagokien lurralde-eremuetan deskribatu eta kokatuko dira. Hala badagokio,

zehaztu eta kokatuko da zein eremutan aurreikusten den hirigintza-garapenak egitea etorkizunean.

Hala dagokionean, proiektuen izaerari buruzko aurreikuspena egingo da, zeinaren bidez egikarituko baitira Planeko estrategiak, jarraibideak eta proposamenak. Bereziki, Planaren zehaztapenak aztertuko dira, kokapenari, tipologiari, neurriei, funtzionamenduari edo baliabide naturalen esleipenari buruzkoak, Planaren esparruan etorkizunean exekutatu diren proiektuei dagokienez.

Zentzu horretan, proiektu gisa ulertu behar da aurreikusitako edozein jarduketa, ingurumen-inpaktuaren ebaluazioari buruzko indarreko araudian definitzen denaren arabera. Baina ez da nahastu behar proiektua prestatu edo gauzatzeko sortzen den dokumentu teknikoarekin, zenbait arau zehaztutan dokumentu horri proiektu esaten bazaio ere. Ondorioz, proiektu terminoa ingurumen-inpaktuaren ebaluazioari buruzko araudian islatutako adierarekin erabili beharko da ingurumen-dokumentu estrategikoan.

Epigrafe honetan jasotako informazioak isla kartografiko egokia izango du eskala egokian, eta lurraldearen erabilera erakutsiko du, bai eta ingurumenean ondorio esanguratsuak eragin ditzaketen Planeko ekintzak, aurreikuspenak eta jarduketak ere. Hala badagokio, informazio kartografikoa jaso beharko da proiektuen kokapen eta tamainari buruz.

- c) Deskribatu eta lokalizatuko da Planeko zer ekintzak izan dezakeen efektua ingurumenean, eta hierarkizatuko dira eraginik handiena dutenetik gutxiago dutenetara, kontuan hartuz haien kokapen zehatza, izaera, tamaina, funtzionamendu-baldintzak eta baliabide naturalen kontsumoa. Planean deskribatzen den ekintza bakoitzari kode bat esleituko zaio, zeina IAEn erreferentzia behar duten hurrengo apartatuetan erabiliko den.
- d) Adieraziko da zer garapen aurreikusten den Planarentzat plana behin betiko onartu ondoren, eta plangintzaren ondorengo faseak aipatuko dira, baita planaren zehaztapenak ezartzeko tresnak ere. Era berean, aurreikusiko da nola egin plana garatzeko tresnen ingurumen-ebaluazioa.
- e) Nolanahi ere, Plana garatzeko denbora-aurreikuspen bat txertatuko da, eta, hala badagokio, aurreko apartatuan deskribatutako ekintzetarako zehaztuko da.

6.1.3. Planifikatzeko aukerak.

- a) Azaletik deskribatuko da zer aukera ezberdin hartu den kontuan Plana emateko prozesuan. Aukera horiek teknikoki eta ingurumenaren aldetik bideragarriak izan behar dute, eta honako alderdi hauei buruzkoak izan daitezke: kokapena, garapen teknikoa edo teknologikoa, denbora-garapena, kudeaketa, antolamendua, baliabide naturalen erabilera edo beste edozein alderdi.

- b) Aukera horien irismena deskribatuko da, eta zehaztuko da zer alde dagoen aukera bakoitzetik eratorritako proiektuen eta Planeko ekintzen artean, 6.1.2.b apartatuan deskribatutako proiektuekin eta IAEko 6.1.2.c apartatuan deskribatutako ekintzekin alderatuta.
- c) Laburpen bat jasoko da adierazteko zergatik baztertu diren plangintza-aukera batzuk eta zergatik hautatu den azkenean proposatutako aukera.
- d) Behar denean, modu kartografikoan jasoko dira kontuan hartu diren aukerak.

6.2. Ingurumenaren egungo egoeraren ezaugarriak zehaztea.

Deskribatuko da ingurumen-kalitateko zer elementu dauden Planaren eraginpeko eremuan. Elementu abiotikoak eta biotikoak deskribatuko dira, bai elementu mota bakoitzaren sektore-ikuspegitik, bai haien interakzioen ikuspegitik, ingurumenaren egungo egoeraren ikuspegi integratua emanez.

Planaren eraginpeko esparrutzat, antolamendu-esparru osoaz gain, haren ingururik hurbilena hartu behar da, Planaren ekintzek ingurumen-ondorio garrantzitsuak izan ditzaketen eremuetara mugatuta. Bakarrik deskribatuko dira Planaren antolamendu-eremutik oso kanpo geratzen diren eremuak, baldin eta aurreikusten bada ingurumen-eragina nabarmena izango dela eremu horietan.

Ingurunearen kalitatearen alderdiei buruzko informazioa azterlanetan edo erreferentziako beste dokumentu batzuetan oinarrituta dagoenean, emandako datuen iturria identifikatuko da, eta adieraziko da zein den izenburua, urtea, egiletza eta, hala badagokio, zein estekatatik kontsulta daitekeen lana osorik.

IAEk planoak jasoko ditu, eskala egokian, eta ingurunearen aldagaiak jasotzen dituztenak.

6.2.1. Ingurumen-egoera deskribatzea

- a) Ingurune fisikoa. Zenbait faktore hartuko dira kontuan, hala nola arroka ama eta zorupea, haien iragazkortasuna, masak eta ur puntuak, faktore klimatikoak eta lurzoru mota.
- b) Natura-ondarea. Adieraziko da ea dagoen natura-intereseko eta interes ekologikoko elementurik: landaredia, baso autoktonoak, habitat interesgarriak, basoko flora eta fauna, ondare geologikoa, korridore ekologikoak, hezeguneak, onura publikoko mendiak eta babesleak.

Ahal denean, datu kuantitatiboak emango dira, hala nola azalera, populazioaren tamaina, bikote edo banakoen kopurua eta garrantzi erlatiboa EAeko edo haren banaketa-eremu naturaleko populazio osoaren azalera eta tamaina osoari dagokionez. Halaber, honako hauei buruzko datuak emango dira: kontserbazio-egoera, interes-maila, kalteberatasuna, egungo presio eta mehatxuak eta Plana gauzatzerakoan areagotu daitezkeenak.

Apartatu hau egiteko, natura-intereseko elementuen inbentarioak, katalogoak edo erregistroak berrikusiko dira (plan hidrologikoetako eremu babestuen erregistroak, hezeguneen inbentarioak, baso-inbentarioak, mendien katalogoak edo espezieen zerrenda gorriak, besteak beste).

Egokia denean eta nolnahi ere Planean aurreikusitako proiektuek eragin nabarmena izan dezaketenean babestuta dagoen edo babes-erregimenen bat duen naturagune batean –EAeko Natura Kontserbatzeko Legearen testu bategina onartzen duen apirilaren 15eko 1/2014 Legegintzako Dekretuaren 13. artikuluan eta Ondare Naturalaren eta Biodibertsitatearen abenduaren 13ko 42/2007 Legearen 30., 42. eta 50. artikuluetan jasotakoan batean–, identifikatuko da zer gune dauden Planaren esparruan edo esparru horretatik gertu. Kontuan hartuko da gertutasunaren-kontzeptua aldatzen dela, baldin eta efektu jakin batzuk maximizatzen laguntzen duten bektoreak badaude; esaterako, planaren edo programaren eremua naturagune babestuaren gorako uretan kokatuta egotea. Halako kasuetan, honako informazio hau jaso beharko da:

- Plano bat, Planaren eragin-esparrua biltzen duena eta esparru horretan eta haren inguruan dauden babesguneak islatzen dituena.
 - Adierazi beharko da zein xedapenetan izendatzen den gunea babesteko figura eta, hala badagokio, zer erreferentzia duen haren argitalpenak Aldizkari Ofizialean.
 - Zein den gunea antolatzeko eta kudeatzeko tresnen erreferentzia, tresna horiek onartzen dituen arau-xedapena, eta zer erreferentzia duten Aldizkari Ofizialeko argitalpenean; era berean, adieraziko da zein loturatan kontsultatu daitezkeen.
 - Gunea izendatzea eta babestea eragin duten balio nagusien deskribapen laburra, hala nola hauena: habitatak eta espezie edo elementu bereziak (geologikoak, paisaiakoak, etab.).
 - Administrazio-organoaren identifikazioa eta, hala badagokio, gunea kudeatzeko zeregina duen administrazio-unitatea.
- c) Paisaia. Kontuan hartuko dira paisaia-intereseko guneak, hala nola mugarri bisualak eta pertzepzioaren ikuspuntutik interesgarriak izan daitezkeen beste elementu batzuk. Paisaia-katalogoak erabiliko dira, halakorik egonez gero.

- d) Ingurumen-arriskuak eta -arazoak. Uholdeak izateko arriskuari, lurpeko uren kalteberatasunari, arrisku geoteknikoei, klima-aldaketak eragindako arriskuei edo aipatu beharreko beste edozein ingurumen-arriskuri buruz bildu ahal izan diren datu guztiak aurkeztuko dira.

Halaber, deskribatuko da zer ingurumen-arazo antzeman den airearen, uraren edo lurzorua kalitatean, egoera akustikoa barne. Identifikatuko da ea kutsagarriak izan daitekeen iturririk dagoen eta kutsagarriak izan daitezkeen jarduerak jasan duen lurzorurik dagoen, eta aztertuko da zein den baliabide naturalen erabilgarritasuna, bereziki urarena.

Hala dagokionean, aipatu ingurumen-arrisku eta -arazoen eraginpean egon daitezkeen biztanleguneak identifikatu eta lokalizatuko dira.

- e) Kultura-ondarea. Detektatutako elementu bakoitzaren garrantzia, urrakortasuna, tresna eta babes-maila adieraziko dira. Era berean, aurkeztuko da zein den kultura-ondasunari kalifikazioa eta babes ematen dizkion arau-xedapena ere. Kontuan hartuko dira ondare immaterialeko elementuak.

6.2.2 Sintesia: ingurumen-alderdi garrantzitsuak.

Aurreko apartatuan azaldutako deskribapen eta datuetan oinarrituta, aztertuko da zein den ebaluazio-eremuko ingurumenaren egungo egoera, eta labur-labur jasoko dira ingurumen-ebaluaziorako prozesuan garrantzitsuak diren ingurumen-alderdiak; besteak beste, ebazpen honen apartatu honetan (*Esparru geografikoa eta ingurumen-arlo garrantzitsuak*) deskribatuak. Zehatz-mehatz adieraziko da etorkizunean zer ingurumen-alderdik jasan dezaketen Planeko ekintzen eragina.

Horregatik, jakin beharko da ea oinarritzko prozesu ekologikorik dagoen, eten edo aldatu daitekeenik Plana gauzatzean. Arreta jarri beharko da ingurumenari dagokionez interesgarriak diren eremu, elementu edo egoeretan, baita eragina jasan dezaketen alderdietan ere, eta kontuan hartuko da non kokatuko diren eta zer ezaugarri izango dituzten planaren ondorioz sortuko diren proiektu edo ekintzek. Saihestuko da xehetasunez deskribatzea zein diren Planaren ingurumen-ebaluaziorako garrantzitsuak ez diren alderdiak, eta ahalegin handiagoa eskainiko zaie ingurumen-arloko elementu, prozesu, arazo eta arrisku garrantzitsuei.

Kontuan hartuko da ingurumen fisikoaren zer faktorek eragin dezakeen edo garrantzitsu izan daitekeen Planean aurreikusitako proiektu eta ekintzen efektuak ebaluatzeko, hala nola ur-masen eta ur-guneen egoera, lurzoruen gaitasun agrologikoa, substratuaren iragazkortasuna eta egonkortasuna, eta ebaluazioan kontuan hartu beharreko ingurune abiotikoaren beste edozein alderdi.

Arreta jarriko zaie espezieen funtzio ekologikoei eta ziklo biologikoari eusteko garrantzitsuak diren eremu eta habitatei (elikatzeko, ugaltzeko, atsedean hartzeko, sakabanatzeko edo populazioen arteko truke genetikorako garrantzitsuak diren eremuak). Kontuan hartuko da lehentasunezko habitat eta espezieak daudela, bakanak

edo gutxi ordezkatuak, kalteberak edo desagertzeko arriskuan daudenak eta, beraz, babestu beharrekoak.

Era berean, natura-ingurunea eta paisaia babesteko beste alderdi batzuk ere hartuko dira kontuan.

Halaber, arrisku jakin bat prebenitzeko edo murrizteko aurreikusitako plan edo proiektuei buruz eskura dagoen informazioa emango da, bai eta ingurumen-arriskuei eta hautemandako egoera problematikoei dagokienez ezagutzen den edozein administrazio-jarduerari buruzkoa ere, arreta berezia jarrita Plana gauzatzean gehitu, areagotu edo beste bitarteko batzuetara transferitu daitezkeen gaietan.

Apartatu honetan, gainera, egon daitezkeen beste ingurumen-baldintzatzaile batzuk landuko dira, baldin eta Planaren ingurumen-ebaluaziorako garrantzitsuak badira, hala nola mugikortasunari eta garraioari buruzko alderdiak, eremuko irisgarritasun-baldintzak, baliabide berriztagarrien eta ez-berriztagarrien kontsumoari lotutako beharrak (ura, energia etab.), jendea bizi den eremuen presentzia eta kaltetua izan daitezkeen biztanleria eta abar.

6.3. Ingurumen-efektuak.

Apartatu honetan, identifikatu eta baloratu beharko da Planak zer efektu aurreikusteko modukorik duen IAEn 6.2. apartatuan deskribatutako ingurumen-kalitateko elementuetan, eta efektu horien ezaugarriak deskribatu beharko dira.

Planaren efektuak identifikatu eta ezaugarritzeko, aztertuko da zer interakzio dauden lanean aurreikusitako ekintzen eta haiek eragin ditzaketen ingurumen-elementuen ezaugarri espezifikoaren artean, eta zer ingurumen-arazo edo arrisku sortu edo areagotu daitezkeen.

Ezaugarriak deskribatzean, zehatz-zehatz adierazi beharko da zer motatako efektua den, honako hauek berezita: bigarren mailako efektuak, metatzekoak, sinergikoak, epe labur, ertain eta luzerako efektuak, efektu iraunkorrak eta behin-behineko efektuak.

IAEn 1.2.c) apartatuan identifikatutako ekintza guzti-guztien ondoriozko ingurumen-efektuak deskribatuko dira, eta espresuki adieraziko da zer kode esleitu zaien ekintzei apartatu horretan. Hala dagokionean, argi eta garbi adieraziko da zer efektu eragin dezakeen ekintza bat baino gehiago bateratzeak.

Era berean, hala dagokionean, zehaztu beharko da ea atzemandako efektuak eragiten dieten ala ez Natura 2000 Sarean eta IAEn 6.2.1. apartatuan jasotako beste babesgune batzuetan jasotako elementu zaindu beharrekoak. Kasu horretan, apartatu hori xehetasun-maila jakin batekin garatuko da, aurreikus daitezkeen efektuak behar bezala identifikatzeko eta egon daitezkeen ziurgabetasunak argitzeko. Horretarako, natura kontserbatzeko arloan eskumena duten erakundeek argitaratutako gida metodologikoak eta oro har onartzen diren beste dokumentu tekniko batzuk aplikatuko dira.

Era berean, banan-banan bereziko dira ingurumen-efektu guztiak, biztanlerian, giza osasunean edo ondasun materialetan ondorio kaltegarriak eta garrantzitsuak izan ditzaketenak.

Planari lotutako karbono-aztarna ebaluatuko da.

Identifikatu eta kodetutako efektuak baloratzeko, honako alderdi hauek hartuko dira kontuan, besteak beste:

Gertatzeko zer probabilitate duten, zenbateko iraupena eta maiztasuna izan dezaketen, eta itzulgarriak ote diren.

- a. Efektuen larritasuna eta irismen espaziala (adibidez, zenbateko azalera har dezaketen eraginpean).
- b. Eragina jasan lezakeen eremuaren balioa eta kalteberatasuna, honako hauek kontuan hartuta:
 - Natura-, kultura- eta paisaia-ezaugarri bereziak izatea.
 - IAEko 6.2.1 apartatuan jasotako babes-espazioen urrakortasuna, kontuan hartuta zer efektu izan ditzaketen zaindu beharreko elementuetan (habitatak, espezieak eta prozesu ekologikoak) eta Planak zein neurritan oztopa edo eragotz dezakeen kontserbazio-helburuak lortzea.
 - Ingurumen-baldintza txarrak egotea, aire, ur edo lurzoruan kalitate-estandarrak edo muga-balioak gainditu ahal izateko.
 - Planak zein neurritan sortu edo areagotu ditzakeen ingurumen-arriskuak.

Ahal den guztietan, efektuak kuantifikatuko dira, datu neurgarriak emanez Planean aurreikusitako jarduketak eta proiektuak gauzatzeak eragiten dituen ingurumen-faktore deskribatuen egoera-aldaketei buruz. Hala badagokio, efektu horien iragarpenean dagoen ziurgabetasun-maila adieraziko da.

Halaber, ahal bada, efektuak kartografia bidez lokalizatuko dira; halaber, zehaztu egingo da plan edo programaren zer fasetan gerta litezkeen, aurreikuspenen arabera.

Adieraziko da ea antzemandako efektu horren sorburu-ekintzak eskatzen duen ala ez Planaren zehaztapenak beste plan eta programa batzuetan txertatzea, eta kasu bakoitzean zehaztuko da zein den eraginpeko plangintza-tresna.

Planak hirigintza-garapen bat txertatzen badu etorkizunerako, aztertu beharko da ea betetzen diren aurreikusitako erabilerako ezartzen diren kalitate akustikoko helburuak, eta, horretarako, indarrean dagoen araudian ezarritako metodologia erabiliko da, ebaluatzen den antolamendu-mota bakoitzerako egokituta (egiturazkoa edo xehea).

Hierarkizatu egingo dira hala deskribatutako ingurumen-efektuak, eta nabarmenduko da haien garrantzi erlatiboa.

6.4. Babesteko, zuzentzeko eta konpentsatzeko neurriak.

Apartatu horretan, deskribatuko da zer neurri aurreikusi diren IAEn 6.3. apartatuan deskribatutako ingurumen-efektu kaltegarriak prebenitzeko, murrizteko eta, hala badagokio, konpentsatzeko.

Hartuko diren neurriek bermatu egin beharko dute ez dela ingurumen-efektu garrantzitsurik sortuko Planeko ekintzak garatzearen eta etorkizunean gauzatzearen ondorioz. Haien helburua izango da natura-baliabideak, kultura- eta paisaia-ondarea babestea, natura-arriskuak prebenitzea eta atzemandako ingurumen-arazoak hobetzea eta egokitzea.

Proposatutako neurriek koherenteak izan beharko dute aurreikusitako ingurumen-efektuekin. Neurriak deskribatuko dira, eta prebenitu, zuzendu edo konpentsatu nahi den efektu bakoitzarekin erlazionatuko dira, espresuki aipatuta IAEn 6.3 apartatuan horretarako esleitutako kodea.

Hala badagokio, zehaztuko da ea neurria proposatu den prebenitzeko, zuzentzeko edo konpentsatzeko Natura 2000 Sareko lekuetan eta IAEn 6.2.1. apartatuan jasotako beste babesgune batzuetan zaindu beharreko elementuen gaineko efekturen bat.

Deskribatzen den neurri bakoitzari kode bat esleituko zaio, eta kode hori IAeko hurrengo apartatuetan erabiliko da, erreferentzia erabili behar bada.

Adieraziko da proposatutako neurriak planaren zein zatitan txertatu diren, eta espresuki adieraziko da Planaren zein dokumentu teknikotan jaso diren.

Hala badagokio, prebentzio-, zuzenketa- eta konpentsazio-neurriak proposatuko dira, komenigarri edo egingarria denean haiek aplikatzea plangintzaren geroagoko fase edo etapetan edo Plana gauzatzeko etorkizunean diseinatuko diren proiektuetan.

Kostu ekonomikoren bat dakarten prebentzio- eta zuzenketa-neurrien aurrekontua ere bilduko da, eta adieraziko da nor den haiek gainbegiratzeaz arduratuko den agentea edo pertsona.

6.5. Ingurumena zaintzeko programa.

Ingurumena zaintzeko programak Planaren ingurumen-jarraipenerako aurreikusitako neurriak jasoko ditu. Neurri horiek alderdi hauek kontrolatzeko jomuga izan beharko dute:

- Planak ingurumenean izan ditzakeen ondore kaltegarriak prebenitzeko, murrizteko edo zuzentzeko aurreikusita dauden neurriak behar bezala abiarazten direla gainbegiratzea.
- Ingurumen-elementu garrantzitsuen bilakaera zaintzea, baita Plana martxan jarri aurretik zeuden ingurumen-arazoen bilakaera ere.
- Plana gauzatzearen ondoriozko ingurumen-efektuak egiaztatzea, aurreikusi gabeko efektu kaltegarriak azkar identifikatzeko eta horiek saihesteko edo zuzentzeko neurri egokiak hartu ahal izateko.

- Plana egikaritzeko aurreikusitako garapen-tresnetan eta proiektuetan prebentzio- eta zuzenketa-neurri osagarriak hartu behar den aztertzea.

Jarraipen-neurriak identifikatu eta kodetu beharko dira, eta bat etorri beharko dira IAEren 6.4. apartatuan jasotako babes-, zuzenketa- eta konpentsazio-neurriekin. Jarraipen-neurri bakoitzarentzako, honako hauek zehaztuko dira:

- Jarraipenaren xede diren ingurumen-alderdiak edo -aldagaiak, eta haiek neurtzeko adierazleak (kuantitatiboak eta/edo kualitatiboak).
- Zein diren gehieneko mugak edo erreferentzia-mailak parametro kuantifikagarrientzat.
- Adieraziko da planaren zein gauzatze-fasetan egingo den kontrol bakoitza, eta nor diren eragileak edo arduradunak.
- Hala badagokio, zehaztu egin beharko da Natura 2000 Sareko eremuetan eta IAEaren 6.2.1. apartatuan jasotako beste babesgune batzuetan zaindu beharreko elementuetan izan diren eraginen jarraipena egiteko proposatu ote den neurria.

6.6. Ingurumen-sintesia

Apartatu honetan, ingurumen-alderdiak Planean zelan txertatu deskribatuko da.

Xehe-xehe aztertuko da nola hartu diren kontuan eta nola betearazi diren ingurumena babesteko ezarritako irizpideak, helburuak eta zehaztapenak, IAEren 6.1.1 f) apartatuan eta, hala badagokio, IAEren 6.1.1 d) eta 6.1.1 e) apartatuetan deskribatuak.

Aztertu egingo da, gainera, zenbaterainoko arriskua dagoen planak etorkizunean ingurumenean efektu adierazgarriak izateko, eta beharrezko argudioak emango dira, egiaztatzeko ezen, proposatutako babes-, zuzenketa- eta konpentsazio-neurriak planean txertatzen badira, oso arrisku txikia dagoela efektu garrantzitsu horiek jazotzeko eta, ondorioz, ez dagoela eragozpenik plana garatzeko. Ondorio hori laburbiltzeko, IAEren gainerako apartatuetan jasotako informazioei buruzko erreferentzia egokiak erabiliko dira.

Modu espezifikoan aztertu bada ea eraginik izan dezakeen Natura 2000 Sareko guneean edo beste babesgune batzuetan, hari buruzko sintesi bat jasoko da apartatu honetan, zehaztuta nola galarazi edo murriztu den horrek eragitea gunea hautatzea eta babestea eragin duten balio naturistikoei, kontserbazio-helburuei eta Natura 2000 Sarearen koherentzia globalari.

6.7. Laburpen ez-teknikoa.

IAEk informazioaren laburpen ez-tekniko bat ere bilduko du, ebaluazio-prozesuan jorratutako gaien gainean prestakuntza espezifikorik ez duten pertsonen erraz ulertzeko moduan idatzia.

Apartatu honi, gainera, egindako ebaluazioa hobeki ulertzen lagunduko duen informazio grafikoa ere erantsi beharko zaio; bestela, erreferentziak jaso beharko dira, informazio hori erraz eskuratu ahal izateko.

7. Jendurreko informazioko izapideak eta kontsultetakoak.

Urriaren 16ko 211/2012 Dekretuaren 12. artikuluan eta abenduaren 9ko 21/2013 Legearen 21. artikuluan ezarritakoarekin bat etorriz, organo sustatzaileak jendurreko informazioaren izapidearen pean jarri beharko du plan honen hasierako bertsioa, IAerekin batera; gutxienez, 45 egunez. Urriaren 16ko 211/2012 Dekretuaren 12. artikuluan eta abenduaren 9ko 21/2013 Legearen 22. artikuluan xedatutakoaren ondorioetarako, organo sustatzaileak, jendurreko informazioaren izapidearen pean jartzearekin batera, kontsulta egin beharko die administrazio eta interesdun ukituei. Organo sustatzaileak kontsulta egin beharko die organismo hauei:

Eusko Jaurlaritza:

- Kultura Ondarearen Zuzendaritza
- Natura Ondare eta Klima Aldaketa Zuzendaritza.
- Osasun Publikoaren eta Adikzioen Zuzendaritza.
- URA, Uraren Euskal Agentzia

Bizkaiko Foru Aldundia:

- Ingurumeneko Zuzendaritza Nagusia. Natura Ondare Zerbitzua
- Azpiegitura eta Lurralde Garapeneko Zuzendaritza Nagusia. Antolamendu eta Proiektuen Zerbitzua Ingurumen Jasangarritasunaren Saila
- Kultura Zuzendaritza Nagusia

Elkarteak:

- Ekologistak Martxan Bizkaia
- EGUZKIZALEAK Aisialdirako Elkartea.

Urriaren 16ko 211/2012 Dekretuaren 12. artikuluan eta abenduaren 9ko 21/2013 Legearen 21. artikuluan ezarritakoaren ondorioetarako, organo sustatzaileak jendurreko informazioaren izapidearen eraginpean jarriko du plan honen hasierako bertsioa, ingurumen-azterketa estrategikoarekin batera; gutxienez, 45 egunez.

8. Dokumentazioa aurkezteko jarraibideak.

Abenduaren 9ko 21/2013 Legearen 16. artikulua arabera, kualifikazio profesionala eta goi-mailako hezkuntzari buruzko arauen arabera behar besteko gaitasun teknikoa duten pertsonak egin beharko dute azterketa, eta hark Legearen eskakizunak betetzeko behar den kalitatea izango du. Azterketaren egileak identifikatu beharko dira, eta haien titulazioa eta, hala badagokie, lanbide arautua adierazi. Identifikazioak barne hartu beharko ditu izena, abizenak eta nortasun-agiri nazionalaren kodea edo helburu bererako beste edozein agirirena (elkargokide-zenbakia entregatuz gero, horrek bat etorri behar du elkargo profesional jakin baten erregistroarekin).

Gainera, amaiera-data eta pertsona horien sinadura jasoko dira. Txostenaren edukien eta informazioaren fidagarritasunaren erantzule izango dira horiek, salbu eta Administrazioak berak frogagarri gisa emandako datuak.

Dokumentazioa aurkezteko, honako jarraibide hauek bete beharko dira:

1. Ingurumen-adierazpen estrategikoaren eskaerarekin batera aurkeztutako dokumentuek koherentzia egokia errespetatu beharko dute beren artean nahiz aurretik aurkeztutakoekin, halakorik bada, erabakia hartu behar duten administrazio-organoen lana errazteko eta ez eragozteko.
2. Arreta berezia jarri beharko da adierazteko kasu bakoitzean zer datu erlazionatu behar diren beren artean dokumentu teknikoen apartatu desberdinetan (esaterako, apartatu batean planeko ekintzak deskribatzen badira eta beste batean ekintza horiek eragindako ingurumen-inpaktuak; bi kasuetan, izen berarekin aipatu beharko dira ekintzak).
3. Beharrezkoa bada, adierazi behar da zein iturritatik lortu diren datuak.
4. Planaren, programaren edo proiektuaren dokumentazio grafikoa eta kartografikoa sartu behar da hala eskatzen duten apartatuetan. Planoak pdf formatuan entregatu beharko dira, georreferentziatuta.
5. Anlisi tekniko egokia errazteko, bistartzeko pdf formatuko artxiboez gain, planoen kopia gehigarri bat entregatu beharko da *shape* formatuan (ahal dela, UTM30N ETRS89 erreferentzia-sistema erabilia), zeinak ezingo baitu 10 Mb gainditu.
6. Plano guztiak identifikatu behar dira kodearekin eta tituluarekin. Halaber, honako hauek adierazi beharko dira: irudikatutako datuak zuzen interpretatzeko behar diren azalpenak eta sinboloak; eskala grafikoa eta zenbakizkoa, inprimatzeko formatua adierazita; sinadura eta noiz egin den.
7. Jatorrizko eskalatik murriztutako planoak aurkeztuz gero, zuzendu egin beharko da planoan jatorrian adierazitako eskala, aurkeztutako planoan oinarritutako neurketek ez dezaten izan akatsik.
8. Dokumentazioarekin batera aurkeztuko dira testuetan zehar aipaturiko eranskin, irudi, plano edo argazki guztiak. Erreferentzia horiek argi eta garbi jarri behar dira, kasuan kasuko elementua erraz aurkitzeko moduan.
9. Informazio jakin bat aurkezten bada dokumentuko apartaturen bat zuzentzeko eta aldi berean espedientean zuzendu nahi den apartatua mantentzen bada, informazio berriak adierazi behar du jatorrizko dokumentuko zer kapitulu, orri, epigrafe, apartatu, lerrokada, esaldi, koadro, irudi, plano eta abar jo behar den ezeztatutzat edo ordeztutzat konponketa edo zuzenketaren bidez. Aurreko informazioaren bat osatzen edo zuzentzen duen informazioak egoera horren berri eman beharko du hasieran. Eskatera bat zuzentzeko

aipatutako jarraibideak betetzen ez badira, izapide gehigarri bat eskatu ahal izango da, kontraesanezko edo inkongruenteak izan daitezkeen alderdiak argitzeko, eta horrek atzerapena eragin dezake prozeduraren ebazpenean.

10. Eskaera IKS-eem sistemaren bidez aurkeztu beharko da, aplikatzekoak diren fitxak eta formularioak erabilia. Ingurumen, Lurralde Plangintza eta Etxebizitza Sailaren webgunean eskura daitezke, helbide honetan zehazki: <http://www.euskadi.eus/informazioa/ingurumenari-buruzko-izapide-elektronikoengida/web01-a2inguru/eu/>
11. Dokumentu bat .pdf formatuan aurkezten denean, gehienez 30 MB izango ditu, eta bilaketak egitea ahalbidetu beharko du. Dokumentu handiagoak zatitu egin beharko dira, sisteman sartuko badira.
12. Aurkeztutako dokumentazio guztiaren aurkibidea txertatuko da, adierazitako apartatuetako bakoitza zer orrialdetan dagoen zehaztuta. Pdf dokumentu baten aurkibidea aurkeztean, adierazitako orrialde-zenbakia bat etorri beharko da orrialde hori aurkitzeko irakurketa-programaren «Joan orrialde honetara» aginduan adierazten denarekin.
13. Organo sustatzaileak beti ziurtatu beharko du datu pertsonalak babesteari buruzko araudia betetzen duela datuak transmititzen dituenean.

Bigarrena. - Ebazpen hau Ermuko Udalari jakinaraztea.

Hirugarrena. - Ebazpen hau Ingurumen, Lurralde Plangintza eta Etxebizitza Sailaren web-orrian argitaratzeko agintzea.

Ingurumen Administrazioaren zuzendaria
Director de Administración Ambiental



IVAN PEDREIRA LANCHAS

Gasteiz, 2020ko martxoaren 4a.

